

taua puaka ra, okotai rai ia tu i ta raua utunga, taki 4 puaka mei te puaka i keia ia te maata, me piri mai tetai aronga e kai i taua puaka ra, ka akavaia ia. Taki rua puaka i te tangata okotai, e kare e puaka, ei moni, ei apinga memeitaki kia tau ki te maata o te puaka i keia ia. Me kore tei reira au puaka, ka tukuia ki te Purumu, e te vaere e te ta'u ngaika, ma te tipu vaie, e te tari mai, mei tei tau i to te tangata puaka e inangaro. Kia keia tetai tangata i te puaka-toro ka akavaia ia. Tera tana utunga, e 30 dala i te tangata puaka-toro, e 5 na te ariki, e 5 na te au akava. E kia fi te keia ki te Oroenua, ka akavaia aia. Tera tana utunga, e 35 dala i te tangata puaka, e 5 i te ariki, e 5 i te au akava. Kia keia tetai tangata i te Mamoe e te puaka-nio, ka akava ia aia. Tera tana utunga, e 10 dala moni tikai, e 5 i te tangata puaka, e 2½ i te ariki, e 2½ i te au akava.

2. *No te ko Puaka.*—Kia ko tetai tangata i te puaka i roto i te oire, ka akavaia aia. Tera tana utunga, 10 dala. E kia ko te tangata i te puaka ki uta, ki roto i te one kai kare aia e akavaia. E kia ko uaia taua puaka ra, e uuna atura, kare i akakite ki te tangata nana taua puaka ra, ka akavaia aia. Tera tana utunga, 10 dala, kia ko i te Oroenua ki uta, e kare e akakite, ka akautungaia aia, e 30 dala. Pera rai i te puako-toro me ko ia. Tera te utunga e 30 dala. Kia mào tetai tangata i te tuku atu i taua puaka-toro ma te puaka-oroenua ki uta, e marama, e marama e kia tae i te 3 o te marama, e akavaia aia. Tera tana utunga, 10 dala. Pera katoa te puaka maori e 5 dala te utunga.

3. *No te keia Pipi e te Moa.*—Kia keia tetai tangata i te Pipi, ka akavaia aia, Tera tana utunga e 4 Pipi, e kia kai ua tetai, ka akautungaia aia, Tera tana utunga. E 2 Pipi, e akapera katoa te Moa e te Mokora e te ua Moa, e te au mea katoa.

4. *No te kera i te au kai Ravarai.*—Kia keia tetai tangata i te Meika, ka akavaia aia, Tera tana utunga, e 4 dala. Kia keia tetai tangata i te Kumara, ka akavaia aia. Tena tana utunga, e 4 dala. Kia keia tetai tangata i te Taro, ka akavaia aia, Tera tana utunga, e 4 dala. Kia keia tetai tangata i te Painapo, ka akavaia aia. Tera tana utunga, e 4 dala. E kia tokorua tangata i te keia i taua Painapo ra, ka akava katoaia aia, Tera tana utunga, e 4 dala. Kia keia tetai tangata i te Nu e te Akari, ka akavaia aia, Tera tana utunga, e 4 dala. Kia keia tetai tangata i te To, ka akavaia aia, Tera tana utunga, e 4 dala. Kia keia tetai tangata i te Anani, ka akavaia aia, Tera tana utunga, e 4 dala. Kia keia tetai tangata i te katiri coffe, ka akavaia aia, Tera tana utunga e 4 dala. Pera katoa te au kai ravarai. Kia kai uaia ra e te tangata tetai au kai me aere i te au angaanga i te au ra katoa, kareka te Meika, te Uatu, te Anani, te Nu, te Ii, te Kuru, te Ninita, te To, &c. Kare aia e akavaia.

5. *No te keia Moni, e te au Apinga Ravarai.*—Kia keia tetai tangata i te Moni, ka akavaia aia, Tera tana utunga, okotai koata i keia ia, 1 dala te utunga okotai afa i keia ia, e 2 dala i te utunga, okotai dala i keia ia, e 4 dala te utunga. E 5 dala i keia ia, e 20 dala i te utunga, okotai ngauru dala i keia ia, e 40 dala i te utunga, e akapera te au moni katoa. Pera ua atu rai, ta te keia moni utunga, e tae au atu ki te maata anga. Kia kore e moni a te keia moni, ei utunga ke, ei oroenua, ei puaka-toro.

6. *No te keia i te au Apinga Ravarai.*—Tera tana utunga, e 4 apinga, mei te apinga i keia ia te maata, e te oko ei moni anake, e rua na te tangata apinga, okotai na te ariki, okotai na te au akava.

TURE VIII.—NO TE TAPEPE PIKIKAA UA.

“Aura koe e tapepe pikikaa ua ia etai ke.”—Ex. xx. 16.

Kia kite tetai tangata i te keia. Tera tana e rave ko te aoa, e te kapiki ki te tangata, kia tokorua, e kia tokotoru, e kia toko a te tangata e kite i taua keia ra, kia riro ia ei tuatua mou, i roto i te vaa o nga kite toko a ra, Ka akatikaia ia, kia kore ra koe e aoa, Aere ua'i koe e akakite ki te akava, kare taau e akatikaia mai.

E kia tapepe pikikaa ua te tangata i tetai ke, kia tu toru te tapepe anga, ka akava ia aia. Tera tana utunga, e 5 dala, okotai e te afa na te Ariki, e rua na te tangata i tapepeia ra, akotai e te afa na te au akava.

TURE IX.—NO TE KEIA TAKA KORE.

No te tangata keia, kia kimiia taua tangata keia ra, me kua keia ainei, me kare? e kia kore e taka meitaki, ka tukuia aia kia aere ki te kainga, no te mea kare i taka meitaki; E kia kitea ra i muringao, kia kimiia e, kua keia tikai, e tau iaia te akava anga. Tera tana utunga e 4 dala no te takinga mua mai o taua tangata ra, e 4 dala no te rua o te takinga mai.

TURE X.—NO TE VAINA TAKAUA, E TE TAMARIKI METUA KORE.

Kia mate te tane a taua vaine ra, e toe iora, koia e nga tamariki. Tera te tuatua ia ratou, ka noo ua rai ratou i runga i te kainga, kare e ngaueue.

Tera ua te mea ka taka ke ei taua vaine ra, Kia toru ona akava anga, kua taka ke ia i runga i taua kainga ra, no te mea, kua takinga kino aia i tona tiaki, koia te ture.

Tera tetai ona taka ke anga, Kia riro i te tane.

E taka ke anga meitaki ia tei reira. E toe iora ko nga tamariki, ko te ka noo ia ki runga i te kainga; E kia kore nga tamariki, e te ora ra te tuakana o taua tangata i mate ra, ma te teina o, ka riro te kainga ki runga iaia.

E me kore takiri taua kopu tangata ra, Ka apai ia taua kainga ra ki runga i te pu, Kareka, e Ariki ra, e Mataiapo ra, e tangata nui ra, ei reira taua kainga ra, no te mea, kare e uraura toe i taua kopu tangata ra.

Ei roto i te ui Ariki, e nga Mataiapo, ma te ui rangatira te tika anga i teia ture.

TURE XI.—NO TE TANGATA AKATEITEI KI RUNGA I TONA ARIKI, E TONA MATAIAPU, E TONA RANGATIRA, E TONA TUAKANA.

Kia tupu te pekapeka i tetai Mataiapo, e tetai Rangatira, ma tetai Ariki, Oro atura ki runga i tetai Ariki ke, e tetai Mataiapo ke, e tetai Rangatira ke, apai atura aia i te kainga ki tetai ariki ke,